

O Le Maliu Fasia a le Perofeta o Iosefa Samita

Faafeagai i le Perofeta ma le Ekalesia

Ia luni 1844, o le agaleaga i le Ekalesia na matuai faateleina. O nisi o tagatanuu o Ilinoi na talanoaina le tutuliese o le Au Paia mai le setete, ae o isi na fuafua e fasioti le Perofeta. O nisi o i latou na fuafua faalilolilo agai i le Perofeta ma le Ekalesia oni tagata tuai o le Ekalesia na liliuese. Ia luni 7, 1844, o William Law, na auauna atu o se Fesoasoani Lua i le Au Peresitene Sili, ma isi na liliuese na lolomia le tusiga muamua o se nusipepa na taua o le *Nauvoo Expositor*. I se taumafaiga e faaita tagata lautele i le Perofeta ma le Ekalesia, na faaaga ai e nei alii lenei nusipepa e faaleaga ai Iosefa Samita ma isi taitai o le Ekalesia. O Iosefa Samita, i le galue ai o le pulenuu o Navu, ma le toatele o le aufono o le aai o Navu na iloina o le nusipepa taufaaleaga o le a taitai atu i le vevesi faatupu-faalavelave agai i le aai. Na latou folafola atu o le nusipepa o se faalavelave i tagata lautele ma faatonuina le *Nauvoo Expositor* ia faaleagaina.

Ua Molia Sese Iosefa ma Ailama

“O se faaiuga o le [faaleagaina o le *Nauvoo Expositor*] e le pulenuu ma le aufono a le aai, na oo mai ai se moliaga le faavaea a le pulega o Ilinoi e tetee ai i le Perofeta, o lona uso o Ailama, ma isi au taitai o le aai o Navu.” Na faatonuina e le kovana o Ilinoi, o Thomas Ford, ia alii e tulai i le faamasinoga i Karefasi, Ilinoi, lea na i ai le nofoaga o le pulega faalemalo o le itumalo, ma sa folafola atu ia i latou lo latou puipuiga. Na iloa lava e Iosefa afai e alu o ia i Karefasi, o le a matua lamiatia lona ola mai tagata leaga o e na taufaamata’u ia te ia.

“I le talitonuga e na o i laua na mananao i ai tagata leaga, o lea na filifili ai Iosefa ma Ailama e malaga atu i Sisifo e faasaoina ai o la ola. I le aso 23 o luni, na la sopoia ai le Vaitafe o le Misipipi, ae peitai i se taimi mulimuli ane i lona aso, na maua e uso mai Navu le Perofeta ma sa ta’u atu ia te ia o le a osofaia le aai e vaegaau pe afai o le a ia le tuuina atu ia lava i le pulega i Karefasi. Na talia e le Perofeta lona faia o lenei mea, ma lona faamoemoe o le a faamalieleina ai le au taitai o le malo ma tagata leaga. I le aso 24 o luni, na faamavae atu Iosefa ma Ailama i o la’ua aiga ma malaga atu ma isi taitai o le aai o Navu agai i Karefasi, ma ofo e tuuina atu i laua lava i au taitai o le itumalo i Karefasi i le aso e sosoo ai. Na maea ona tatalaina i tua ia uso i le togotiina o le tupe mo le uluai moliaga, ae na toe molia sese i laua i le taufaalata i le setete o Ilinoi, taofia, ma faafalepuipuiina i le Falepuipui i Karefasi e faatali ai se faamasinoga. O Elder Ioane Teila ma Uiliata Risati, pau ia o uso o le Toasefululua o e na le i o i ni misiona i le taimi lea, na ofo ane e faatasi ma i laua” (*Aoaga a Peresitene o le Ekalesia: Iosefa Samita* [2007], 529–30).

Maliu Fasia i le Falepuipui o Karefasi

Ia luni 27, 1844, na tuu mai ai e se tasi na asiasi atu se fana ia Iosefa. Ao taumafai le au faatupu faalavelave e ulufale mai i le potu na taofia ai le Perofeta ma isi alii, na fanaina Ailama ma maliu ai lava, i le taumafaiga e puipui tagata uma na i ai i le potu. Na oso atu Iosefa i le faitotoa ma aapa atu faataamilo i le faitotoa e faapa atu le fana i totonu o le potu tele. E na o le tolu mai i pulu e ono na faapa, na manunua ai ni nai tagata faatupu faalavelave. Ona faamalosi atu lea e le au faatupu faalavelave a latou fana i le faitotoa na afa mai le matala, ma na taumafai loane Teila e tasasa ese a latou fana i se tootoo laau.

Ao faateleina le feteenaiga i le faitotoa, na taumafai loane Teila e sola mai le potu i se faamalama. Ao ia taumafai e oso i fafo o le faamalama, na fanaina o ia i le ogavae mai le faitotoa ma na fanaina foi e se isi mai fafo. Na ia pau i le fola, ma ao taumafai e oo atu i lalo o le moega i tafatafa o le faamalama, na matuai manua lava o ia i nisi pulufana se tolu. O le taimi lea, ao tuu mai fana i le faitotoa, na amata ona tasasa e Uiliata Risati i se tootoo.

Ona filifili lea o Iosefa e taumafai e sola atu i le faamalama. Ao faaauau e Uiliata Risati le tetee atu i le afaatupu faalavelave i le faitotoa, na oso atu le Perofeta i le faamalama na matala. Ao ia faia o lea, na lavea o ia i pulufana mai itu uma i totonu ma fafo o le falepuipui. Na pau o ia i fafo o le faamalama, ao faapea atu, “Lou Alii e, lou Atua!” ma pau loa i lalo i le elelee. O tagata faatupu faalavelave na i totonu o le falepuipui na laga atu i fafo ia mautinoa e i latou lava ua maliu Iosefa. E ui e leai ni tagata o le Ekalesia na o mai i Karefasi, ae na alaga atu se tagata, “Ua o mai Mamona!” ma na sosola ese uma le afaatupu faalavelave.

Saafiafiga i le Perofeta o Iosefa Samita

Ua saunoa mai Elder Dallin H. Oaks o le Korama a Aposetolo e Toasefululua:



“O tagata na latou iloa lelei Iosefa na tutu latalata atu ia te i le taitaiga o le Ekalesia ma alolofa ma lagolagoina o ia o se perofeta. O lona uso o Ailama na filifili e oti i ona tafatafa. O John Taylor, o le sa faatasi foi ma ia ina ua tagatavaleina, sa faapea mai: ‘Ou te molimau atu i luma o le Atua, agelu, ma tagata uma, o ia o se tagata lelei, mamalu ma mama . . . —ma o lona tagata mamalu ma aloaia sa sili atu mea na ia faia—ma sa ia ola ma oti o se tagata o le Atua’ (*The Gospel Kingdom* [1987], 355; tagai foi MF&F 135:3). Na faalauiloa mai e Polika laga faapea: ‘Ou te manatu e leai se tagata e soifua mai i le lalolagi e sili atu lona iloa o [Iosefa Samita] nai lo au; ma ou te fia faamamafaina atu e faapea, sei vagana ai lava Iesu Keriso, e leai se isi tagata na soifua pe o le a soifua mai i lenei lalolagi e pei o ia’ [*Discourses of Brigham Young*, sel. John A. Widtsoe (1954), 459]” (“Iosefa, o le Tagata ma Perofeta,” *Liahona*, Iulai 1996, 73).

